

կարենանք բերել իր խստամբեր կեանքին  
և խստապահանջ նկարագիրին վրայ յենած  
իր գործելու եղանակը և պահանջկոտու-  
թիւնները, և աններող ու խիստ ընթացքը  
հանդէպ բոլոր տկար հոգիներու, տատա-  
նողներու, երկմիտներու և անհաստատ ու  
թուլամորթ կենցաղի մը սայթաքումնե-  
րուն մէջ ինկողներուն:

Թ. Է.

Ի Բ Ա Շ Ա Կ Ե Ր Տ Ո Ի Թ Ի Ի Ն Ը

Վարդապետական ճշմարիտ պաշտօնը  
ուսուցանելն է և Գրիգոր Կեսարացի որ  
կը սիրէր կոչուիլ յաւէտ վարդապետ,  
«Աիւցել ժամ ծերութեանն յուսուցանելոյ եւ  
խրատելոյ ոչ դարտեր» :

Ան մարզուած Սրապիոն Ուռհայեցիի  
Ամբիթի վարժարանին մէջ, ինքն ալ իր  
կարգին աշակերտներ հասուցած է անշուշտ  
հրահանգելով և ուսուցանելով անոնց :

Դժբախտաբար իր փոթորկալից կեան-  
քը թոյլ չէ տուած իրեն հիմնելու կանո-  
նաւոր դպրոց մը, որուն համար քաղա-  
քական պայմաններն ալ չափազանց ան-  
նպաստ էին այդ ժամանակամիջոցին (1595-  
1636) որ ինքն գործեց :